

Sytti år sidan skyttarane i Ekne skipa ungdomslaget

TA 19/3-65

Haugen samlings- stad for jubile- umsfest 27. mars


Den 19. januar 1895 var styret for Ekne skyttarlag samla til møte, og på dette møtet vart dei samde om å freista å få til eit ungdomslag i grenda. Skipingsmøtet for laget vart halde hos Angel Westrum den 3. februar same året, og denne dato vert rekna som årmålsdagen til Ekne Ungdomslag. Laget kan såleis i år runde 70 år. Alt på det første møtet i laget var det 24 som teikna seg på som medlemer. I dag når laget har runda sine 70 år, er medlemstallet omlag 30. Formann for laget er no Erling Furunes, og han fortel at jubileet vil bli høgtida med ein fest på Haugen forsamlingshus den 27. mars. Til den festen vonar ungdomslaget at så mange som mulig finn vegen — serleg da utflytta Ekne-folk.

Det er lagt opp eit godt program til jubileumsfesten på Haugen. Det blir sjølv sagt ei 70-årsberetning. Omframt det blir det festtale tildegrare prost Eik-Nes og musikk av Ivar Jørum med fleire. Spellaget til ungdomslaget skal syne fram «Løynde synder» av Svein Hovet, og dessutan blir det servert sodd og kaffe. Det vert også sjølv sagt ein svingut ut på kvelden.

I protokollen frå det første møtet i laget står det at før valga var «forsamlingen bleven enig om at Kvinder kunde vælges i bestyrelsen». Dette var altså ikkje nokon sjølv sagt ting den gongen! Det første møtet etter at laget var skipa vart halden på Øvre Falstad, der vart det vedteke at «Ekne Ungdomslag har til formål at samle ungdommen til arbeide for åndeleig framgang». Første formann i laget vart Johs. Finsvik.

HAUGEN FORSAMLINGS- HUS BYGD FOR 2 800 KRONER

Dei første åra i laget i si historie, vart møta haldne rundt om på dei ymse gardane i Ekne. Men snart meldte tanken om eige hus seg, og i 1905 vart



To av personane som er i forgrunnen i samband med jubileet i Ekne Ungdomslag, Konrad Vodal som var formann første året i 1906 og som har teke mange tak for laget sitt arbeid, og formannen i dag, Erling Furunes.

Haugen bygd på ei av dei vakkreste tomtena i Ekne. Innvielsen av huset var 5. juledag 1905, og huset er altså 60 år i år. Bygdefolket slutte manjamt opp om bygginga av huset, og alt tømeret var gaver. Det var også stor dugnadsinnsats, slik at kontantutleget for laget vart på 2 800 kroner!

Ekne Ungdomslag dreiv svært aktivt dei første åra. Ein av dei mest aktive var skoleheimstyrar Hagen som budde i Ekne fram til 1910. Han var ein framifrå talar og opplesar, og då han reiste frå bygda var heile ungdomslaget samla til avskilsfest.

I 1898 fekk laget til eit eige musikklag, og året etter vart det første spelstykket vist fram. I 1908 hadde laget si første kveldsskole i gang, og i dei åra som no fylgde var det mykje kursverksemnd.

KONRAD VODAL DEN ELDSTE NOLEVANDE FORMANN

Utanom skolestyrer Hagen er det andre einskildpersonar som har

gjort mykje for laget. Gjennom alle dei åra som er gått sidan laget vart skipa har mange vore med i styret, og formannen i dag, Erling Furunes, er den 40. formann i laget.

Den eldste nolevande formannen i laget er Konrad Vodal. Han var formann i laget i 1906, 1908, 1909 og 1912. Han er og ein av dei som har teke mange tunge tak i laget si verksemnd, og også no når laget kan feire 70 år vert han sikkert å finne i festlyden.

— Hva så med laget i dag? Vi spør Erling Furunes.

— Gjennom tida har det sjølv sagt vore nedgangstider også i laget vårt, men lagsarbeidet har alltid teke seg opp igjen, fortel Furunes. I dag har vi også her i Ekne same problemet som i mange andre bygder — nemleg at mykje av ungdomen reiser ut. Likevel må eg seie at vi ikkje har vansker med å samle ungdom til møta og festene våre. Så ungdomslaget er framleis — som for 70 år sidan — samlingspunktet for ungdommen her i grenda, sluttar Furunes.